

SEPTEMBER
2024

e-Lingua

3/2024



✓ <u>Chief Editor's Desk</u>	<u>2</u>
✓ <u>News & Reports</u>	<u>7</u>
✓ <u>Language Club News & Reports</u>	<u>16</u>
✓ <u>Image & Lifestyle</u>	<u>44</u>
✓ <u>Pet Lovers' Central</u>	<u>70</u>
✓ <u>Lecturer's Contribution</u>	<u>93</u>
✓ <u>Creative Corner</u>	<u>119</u>
✓ <u>The Team</u>	<u>131</u>



Creative Writing

<u>Manusia Akhir Zaman</u>	<u>120</u>
<u>Bukit</u>	<u>121</u>
<u>Kan?</u>	<u>122</u>
<u>Halilintar</u>	<u>124</u>
<u>Redha</u>	<u>125</u>
<u>Masa</u>	<u>126</u>
<u>Menggenggam Buah di Bumi Bertuah</u>	<u>127</u>
<u>Eternal Bonds</u>	<u>129</u>



Menggonggongam Tuah di Bumi Bertuah

Oleh Noraziah Mohd Amin



Lebih enam dasawarsa obor merdeka diulang
Di bumi Malaysia suara bergema lantang
Melaung “Merdeka!” setiap tanggal 31 Ogos
Bersama angin bangga di jiwa menerobos
Megah kaki berdiri di atas hamparan bumi bertuah
Yang dirangkul rakyatnya setelah perjuangan berdarah
Sejarah telah memahat jalan berliku menggapai merdeka
Maka, jangan dibiarkan keamanan kini menjunam ke gaung leka...

Jati diri warga timur seharusnya erat dipegang
Jika bersendikan rukun negara, pasti tidak terpesong songsang
Dalam arus kemodenan meluncur laju membawa perubahan
Yang kian menghakis nilai susila dan adat warisan
Generasi muda mula menjunjung tinggi budaya luar
Identiti baru terus berakar dan bangga dipapar
Makin sirna cerminan ibu pertiwi pada diri
Merdeka sudah tanahnya, tapi minda masih terjajah lagi...





Malaysia bumi bertuah disuburi keharmonian rakyat
Walau berbilang bangsa tetap utuh benteng muafakat
Namun, ada yang cuba meroboh tembok perpaduan
Atas dasar kebebasan bersuara mencetus acuman perkauman
Umpama murahnyanya harga dibayar para perwira dahulu
Demi sebuah keamanan yang kini cuba digugat diganggu
Lalu, apa erti merdeka kalau rakyat masih bertelagah?
Jika prejudis terus bernanah, bumi bertuah pastinya punah...

“Malaysia Madani: Jiwa Merdeka” mengungkap tema
Begitu susunan kata menjana makna mengetuk minda
Bertunjangkan jati diri jitu, negara bisa bergerak maju
Melakar jaya dari keringat warga yang bersatu
Selagi rakyat terus menggenggam tuah di bumi bertuah
Menghayati erti keamanan selepas merdeka dari penjajah
Ucapan “Jiwa Merdeka” jadi peniup semangat
Betapa berasa damai dan bebas itu suatu nikmat.

Oleh itu, wahai warga Malaysia!
Titipkan rasa syukur negara ini tiada perang sengketa
Betapa bertuah dilahirkan di tanah ini
Tuah ini jangan dilepas pergi
Terus digenggam erat dan mengucap ikrar
Akan dijunjung daulat negara tanpa secebis gentar!

